

Шартнома
Ўзбекистон Республикаси
Мақтабгача таълим вазирлиги
томонидан
2018 йил “ 11 ” сентябр да
0222 / 12 -сон билан рўйхатдан
ўтказилган

ЎЗБЕКИСТОН РЕСПУБЛИКАСИ МАҚТАБГАЧА ТАЪЛИМ ВАЗИРЛИГИ,
“KIDS INTERNATIONAL ACADEMY” Нодавлат мақтабгача таълим
муассасаси
(хусусий шерик номи)

ВА

ФАРҒОНАВИЛОЯТИ ХОКИМЛИГИ

ЎРТАСИДА

“KIDS INTERNATIONAL ACADEMY” НМТМ ФАРҒОНА ВИЛОЯТИ
БАҒДОД ТУМАНИ МАЪРИФАТ КЎЧАСИ
(Инвестиция объекти номи)

МАҚТАБГАЧА ТАЪЛИМ СОҲАСИДА ДАВЛАТ-ХУСУСИЙ
ШЕРИКЧИЛИК ТЎҒРИСИДА

(давлат мулки бўлган бўш турган объектларни, шу жумладан ишламайдиган давлат
мақтабгача таълим муассасаларининг биноларини “ноль” харид қиймати бўйича
реализация қилини)

БИТИМ

Ўзбекистон Республикаси Мактабгача таълим вазирлиги (кейинги ўринларда **Давлат шериги** деб аталади) номидан Низом асосида иш юритувчи вазир А.В.Шин бир томондан ва “Kids international academy” (кейинги ўринларда **Хусусий шерик** деб аталади) номидан Устав асосида иш юритувчи раҳбар Н.Тожиева иккинчи томондан ҳамда Фарғона вилоят ҳокимлиги(кейинги ўринларда **Ҳокимлик** деб аталади) номидан Ўзбекистон Республикасининг “Маҳаллий давлат ҳокимияти тўғрисида”ги Қонунига мувофиқ иш юритувчи вилоят ҳокими Ш.М.Ғаниев биргаликда “Томонлар”, алоҳида “Томон” деб аталувчи Фарғона вилояти Боғдод тумани ҳокимининг 2018 йил 9 мартдаги 352-сонли қарорига кўра нодавлат мактабгача таълим муассасаси ташкил этиш учун Иттифок МФЙ, Маърифат кўчасида жойлашган бўш турган бино-иншоот 0.38 га бўлган бинони(кейинги ўринларда – **Инвестиция объекти** деб аталади) **Хусусий шерик**ка эгаллик ҳуқуқисиз берилганлиги сабабли Ўзбекистон Республикаси Вазирлар Маҳкамасининг “Мактабгача таълим соҳасида давлат-хусусий шерикчиликни ривожлантириш учун шароитлар яратиш тўғрисида” 2018 йил 25 июндаги 475-сонли қарорига асосан истисно тариқасида танлов савдолари ўтказмасдан давлат-хусусий шериклик тўғрисида Битим тузиш ҳуқуқидан келиб чиқиб, ушбу битимни қуйидагилар ҳақида туздилар.

I. БИТИМ ПРЕДМЕТИ

1.1. Мазкур битимнинг предмети бўлиб, Давлат-хусусий шерикчилик асосида нодавлат мактабгача таълим муассасаси (кейинги ўринларда **Муассаса** деб аталади)ни ташкил этиш бўйича **Хусусий шерик**, **Давлат шериги** ҳамда **Ҳокимлик** ўртасидаги ҳуқуқий ва мулкка эгалликни белгилаш бўйича муносабатларни тартибга солиш ҳисобланади.

1.2. Томонлар ушбу битим бўйича мажбуриятларни бажаришда фуқароларнинг мактабгача таълим олиш ҳуқуқини таъминлаш заруриятидан келиб чиқади.

II. УМУМИЙ ҚОИДАЛАР

2.1. Мазкур битим, жумладан унинг Иловалари Битим предметиға нисбатан Тарафлар ўртасидаги барча аввалги оғзаки ёки ёзма келишувлар, битимлар ёки қарорларни бекор қилувчи ва улардан устун турувчи тўлиқ келишувни англатади. Мазкур Битимнинг Иловалари унинг ажралмас қисми ҳисобланади ва у билан бир хил юриidik кучга эгадир.

2.2. Мазкур Битимнинг барча қоидалари ва шартлари мажбурий характерна эга ва Тарафларга, уларнинг тегишли ҳуқуқий ворисларига ёки Тарафларнинг ўзаро келишувига кўра уларнинг тегишли ҳуқуқ ва ёки мажбуриятлари берилиши мумкин бўлган шахсларга нисбатан қўлланилади.

2.3. **Давлат шериги** ҳам, **Хусусий шерик** ҳам бошқа Тарафнинг олдиндан ёзма розилигисиз мазкур Битим бўйича ўз ҳуқуқ ва мажбуриятларини тўлиқ ёки

қисман бошқа шахсга ўтказишга ҳақли эмас. Мазкур Битимнинг шартларини бузган тарзда ҳуқуқ ва мажбуриятларни бошқа шахсга ўтказиш ҳақиқий эмас ва юридик кучга эга эмас деб топилади. Келишилмаган, режалаштирилмаган ҳолда мазкур Битим бўйича барча ҳуқуқларни ёки ҳуқуқларнинг бир қисmini бошқа шахсга ўтказиш, агарда мажбуриятлардан шундай озон қилиш бошқа Тарафлар томонидан аниқ тарзда ёзма шаклда тақдим этилган бўлмаса, ҳуқуқларни бошқа шахсга ўтказётган Тараф мазкур Битим бўйича мажбуриятларидан озон қилинмайди.

2.4. Мазкур Битим уч нусхада ўзбек тилида ҳар бир Тараф учун бир нусхадан имзоланди. Барча нусхалар бир хил юридик кучга эгадир.

2.5. Мазкур Битим юзасидан келиб чиқувчи ёки унга дахлдор бўлган ҳар қандай низолар, келишмовчиликлар ёки эътирозлар, ёхуд ушбу шартномани бузиш, унинг ҳаракатини тугатиш ёки ҳақиқий эмаслиги, Тарафларнинг ўзаро келушувига қришиш имконияти бўлмаган тақдирда, Ўзбекистон Республикаси қонунчилигига мувофиқ Ўзбекистон Республикаси судларида кўриб чиқилади.

2.6. Тарафлар суд органларига мурожаат этишдан олдин эҳтимолий аниқлашловчиликларни музокаралар йўли билан кўриб чиниш учун барча зарур чораларни кўриш мажбуриятини ўз зиммаларига оладилар.

2.7. **Хусусий шерик**, олдиндан **Давлат шеригининг** ёзма розилигини олган тарзда, инвестиция *(ва бошқа)* мажбуриятларини бажариш мақсадида ва балансида инвестиция мажбуриятлари бажарилиши ҳисобга олинadиган юридик шахсни тузиш ҳуқуқига эга **(Хусусий шерик – юридик шахс бўлган тақдирда, Хусусий шерик – жисмоний шахс бўлган тақдирда эса юридик шахсни тузиш мажбурийдир)**.

2.8. **Хусусий шерикнинг** мазкур ер майдонига бўлган мулк ҳуқуқи Ўзбекистон Республикаси Ер кодекси ва бошқа қонун ҳужжатлари билан тартибга солинади.

2.9. **Давлат шериги**, битим бўйича юзага келган қамчиликлар, шунингдек бизнес-режадан оғишлар туфайли, агарда бундай оғишлар иқтисодий асослангандир ва инвестиция мажбуриятларини бажариш жадвалида йўл қўйилган ортида қилишларни ўрнини тўлдириш ва жарима санкцияларини тўлаш юзасидан ёзма қарорлар мавжуд бўлган ҳолларда, бекор қилинмаслигини қарор қилади.

2.10. Мазкур Битим Тарафлар томонидан имзоланган ва **Давлат шериги** томонидан рўйхатдан ўтказилган пайтдан бошлаб қучга қиради ва Тарафлар томонидан мажбуриятлар тўлиқ бажарилиб бўлингунга қарар амалда бўлади.

2.11. Битим бекор қилинганда Инвестиция объектига эгаллик қилиш ва ундан фойдаланиш ҳуқуқи тугатилган ҳисобланади. Бунда **Хусусий шерик** инвестиция объектини **Давлат шеригига** қайтаришга мажбурдир. **Давлат шериги** эса объектни балансига қабул қилиши ва Ереодескадастр давлат қўмитаси органларида **Хусусий шерикнинг** инвестиция объектига эгаллик қилиш ва ундан фойдаланиш ҳуқуқи тугатилганлиги ҳамда ўзининг объектга эгаллик қилиш ва фойдаланиш ҳуқуқи вужудга келганлигини рўйхатдан ўтказилишини таъминлашга мажбурдир.

III. МУАССАСАНИ ТАШКИЛ ЭТИШ ТАРТИБИ

3.1. Муассаса фаолиятини ташкил қилиш учун **Хусусий шерикка** Ўзбекистон Республикаси Президентининг 2018 йил 5 апрелдаги "Мақтабгача таълим тизимини янада рағбатлантириш ва ривожлантириш чора-тадбирлари тўғрисида"ги ПҚ-3651-сонли қарори қабул қилингунга қадар, Фарғона вилояти Бoғдoд тумани ҳoқимининг 2018 йил 9 мартдаги 352-сонли қарорига кўра нoдавлат мақтабгача таълим муассасаси ташкил этиш учун Иттифoқ МФЙ, Маърифат кўчасида жойлашган " харид қийматида **Хусусий шерикка** эгаллик ҳуқуқисиз берилган.

3.2. **Хусусий шерик** ушбу битимнинг 1-иловасида кўрсатилган техник-иктисодий кўрсаткичларга эга бўлган **Муассасани** ташкил этиш учун Фарғона вилояти Бoғдoд тумани ҳoқимининг 2018 йил 9 мартдаги 352-сонли қарорига кўра нoдавлат мақтабгача таълим муассасаси ташкил этиш учун Иттифoқ МФЙ, Маърифат кўчасида жойлашган бинoни таъмирлаш ва реконструкция қилиш бўйича **инвестиция киритиш мажбуриятини** олади.

3.3. **Муассасани** ташкил этиш учун Бoғдoд тумани ҳoқимининг 2018 йил 9 мартдаги 352-сонли қарорига кўра нoдавлат мақтабгача таълим муассасаси ташкил этиш учун Иттифoқ МФЙ, Маърифат кўчасида жойлашган бинoни **инвестиция объект**и ҳисобланади.

3.4. **Хусусий шерик**нинг **Инвестиция объект**идаги инвестиция ҳажми, Фарғона вилоят Бoғдoд тумани ҳoқимининг 2018 йил 9 мартдаги 352-сонли қарорига асосан ишлаб чиқилган лoйиҳа-смета хужжатларига мувофиқ аниқланган бўлиб, умумий қиймати 3 010 000 000 (Уч миллиард ўн миллион) сўмни ташкил қилади ва инвестиция мажбуриятлари мазкур битимнинг 2-иловасига мувофиқ амалга оширилади.

3.5. **Муассаса** учун реализация қилинадиган бинo ва иншоотлар идоравий қурилиш меъёрлари ҳамда санитария меъёрлари ва қондаларига мос келиши шарт.

3.6. **Хусусий шерик** томонидан **Инвестиция объект**ининг лoйиҳа-смета хужжатларини тайёрлаш, пудрат ишлари учун шартномалар тузиш ушбу Битим тузилган пайтдан бошлаб бир ойданошмаслиги керак.

3.7. **Хусусий шерик**нинг инвестиция объектда қурилиш ишларини бошлаш, тугаллаш, жиҳозлаш ва муассасани ишга туширишни мазкур битимнинг 2-иловасига мувофиқ амалга оширади.

8. **Хусусий шерик**нинг инвестиция мажбуриятларини бажарилганлигини эътироф этиш, **Муассаса** фаолиятини бошлагандан сўнг, уч ой муддатда **Хусусий шерик** томонидан инвестиция мажбуриятлари бажарилганлигини тасдиқловчи хужжатлар ва маълумотларни илова қилган ҳолда тақдим қилинадиган аудиторлик ҳисоботига асосан **Ҳокимлик** томонидан амалга оширилади.

Инвестиция мажбуриятларининг бажарилганлиги **Ҳокимлик** томонидан ташкил этиладиган комиссия хулосаси билан расмийлаштирилади ҳамда тарафларга бир нусхадан тақдим этилади.

3.8. **Давлат шериги** ва **Ҳокимлик** Давлат-хусусий шериклик лойиҳаси бажарилиши устидан мониторинг ўтказди ва у қай даражада бажарилишини, бажарилганлигини ўрганади ва баҳолаб боради. Агар камчиликлар аниқланса уни бартараф этиш бўйича муддатини кўрсатган ҳолда **Хусусий шерикка** талабнома юборади.

3.9. Инвестиция объектини лойиҳалаштириш, қуриш, қайта қуриш, жорий ва капитал таъмирлаш, унга техник хизмат кўрсатиш ҳамда модернизациялаш, сақлаш билан боғлиқ барча харажатлар **Хусусий шерик** маблағлари ҳисобидан амалга оширилади.

3.10. Ушбу битимда белгиланган мажбуриятларни бажариш учун битимда назарда тутилмаган қўшимча сарф-харажатлар юзага келган ва **Хусусий шерик**нинг харажатлари битимда белгиланган Инвестиция ҳажмидан ошган тақдирда, қўшимча сарф-харажатларнинг юзага келиш хавфини Хусусий шерик ўз зиммасига олади.

3.11. **Хусусий шерик** муассаса фаолиятини ўрнатилган тартибда лицензия асосида ташкил этади ва муассасада таълим-тарбия жараёнларини ташкил этишда Ўзбекистон Республикасининг таълим ва мактабгача таълим соҳасига оид қонунлари ҳамда қонун ости ҳужжатлари талабларига, шунингдек давлат таълим талаблари (стандартлари)га ва Битим шартларига риоя қилади.

3.12. **Хусусий шерикка** муассаса тарбияланувчиларининг ҳар бири учун Ўзбекистон Республикаси Давлат бюджетидан давлат мактабгача таълим муассасасининг бир нафар тарбияланувчисига сарфланадиган сумманинг 50 фоизига қадар миқдорда субсидия ажратилади. Субсидиялар ажратиш қонун ҳужжатларида белгиланган тартибда амалга оширилади.

3.13. **Хусусий шерик** муассасага тарбияланувчилар умумий сонининг 25 фоизи миқдориди ижтимоий қўмакка муҳтож оилаларнинг фарзандларини ота-оналар тўловини шу жойдаги давлат мактабгача таълим муассасалари учун белгиланган миқдордан ошмаган ҳолда имтиёзли қабул қилади. Муассасага тарбияланувчиларни имтиёзли қабул қилиш туман (шаҳар) мактабгача таълим бўлими йўлланмаси асосида амалга оширилади.

IV. БИТИМНИНГ АМАЛ ҚИЛИШ МУДДАТИ ВА ШАРТЛАРИ

4.1. Мазкур Битим имзоланган пайтдан бошлаб қучга қиради ва 30 (ўттиз) йил давомида, яъни 30.06.2048 йилгача амал қилади.

4.2. **Хусусий шерик** ҳар чоракда битим бўйича мажбуриятларни бажарилиши тўғрисида Мактабгача таълим ҳудудий бошқарув органлари орқали **Давлат шеригига** ва **Ҳокимликка** ахборот ва ҳисобот тақдим этади.

4.3. **Давлат шериги** томонидан **Хусусий шерикка** давлат-хусусий шериклик лойиҳасини амалга ошириш учун инфратузилма объектлари Битимни

амал қилиш муддатидаги даврга (тасарруф этиш ҳуқуқисиз) текин фойдаланиш ҳуқуқи асосида берилади.

4.4. Битимнинг амал қилиш муддати тугагандан кейин битимни ижро этиш жараёнида ташкил этилган инвестиция объекти **Хусусий шерик** тасарруфига эгалик қилиш ҳуқуқи билан берилади.

4.5. Ушбу битим амал қиладиган бутун муддат давомида **Муассаса** фаолиятининг ихтисослигини ва йўналишини ўзгартириш қатъиян тақиқланади.

V. ТОМОНЛАРНИНГ ҲУҚУҚВА МАЖБУРИЯТЛАРИ

5.1. Хусусий шерик қуйидаги ҳуқуқларга эга:

5.1.1. Ушбу Битим шартлари асосида Инвестиция объектини қабул қилиш ва ундан фойдаланиш;

5.1.2. Молиявий маблағлар етишмаса, инвестиция объектининг қайта қурилиши, ёки капитал (жорий) таъмирланиши, замонавий ўқув ускуналари ва ўқитиш воситаларининг хариди учун имтиёзли кредитлар олиш;

5.1.3. Мактабгача ёшдаги болалар учун тўғараклар ва бошқа таълим хизматлари ташкил этиш;

5.1.4. Қонунчиликда белгиланган имтиёзлардан фойдаланиш;

5.1.5. Давлат бюджетидан субсидия олиш;

5.1.6. Фойда олиш.

5.2. Хусусий шерик қуйидаги мажбуриятларга эга:

5.2.1. Мазкур битим амал қиладиган муддатда тарбияланувчилар умумий сонининг 25 фоизи миқдорида ижтимоий кўмакка муҳтож оилаларнинг фарзандларини ота-оналар тўловини шу жойдаги давлат мактабгача таълим муассасалари учун белгиланган миқдордан ошмаган ҳолда имтиёзли қабул қилиш;

5.2.2. **Муассаса**да санитария-гигиена қоидалари ва нормаларига риоя қилиш;

5.2.3. Ушбу битимнинг 1 ва 2-иловаларида белгиланган инвестиция кўрсаткичлари ва хажмларини ижросини таъминлаш орқали **100 ўринли** муассаса барпо этиш;

5.2.4. **Муассасани** юқори малакали педагог ва бошқа кадрлар билан таъминлаш, ўқув-тарбия жараёнини қонун ҳужжатларига қатъий мувофиқ ҳолда ташкил этиш учун зарур шарт-шароитлар яратиш;

5.2.5. **Давлат шериги** томонидан инфратузилмавий объектлар, давлат-хусусий шериклик лойиҳасини амалга ошириш жараёнида кўрсатиладиган хизматлар сифатига қўйиладиган талабларни бажариш;

5.2.6. Илғор халқаро тажрибани ҳисобга олган ҳолда ўқитишнинг инновацион педагогик шакллари, усуллари ва замонавий технологияларидан фойдаланиш асосида мактабгача таълим соҳасидаги таълим жараёнининг самарадорлиги ва натижадорлигини ошириш;

5.2.7. Таълим-тарбия муддатлари ва шартлари, ҳақ тўлаш миқдорлари, томонларнинг ҳуқуқ ва мажбуриятлари ҳамда бошқа шартлар белгиланган

шартномага мувофиқ тарбияланувчиларнинг ота-оналари ёки бошқа қонуний вакиллари билан ўзаро муносабатларни йўлга қўйиш;

5.2.8. Давлат шериги ва Ҳокимликка инвестиция ва ижтимоий мажбуриятларнинг бажарилиши тўғрисидаги ахборот ва ҳисоботни ҳар чорак якуни бўйича ҳисобот давридан кейинги ойнинг бешинчи санасидан кечикмасдан, тасдиқловчи ҳужжатларни (тўлов топшириқномалари нусхалари, божхона юк декларациялари, солиштириш далолатномалари, бажарилган ишлар далолатномалари, қабул қилиш-топшириш далолатномалари, ўрнатиш далолатномалари) илова қилган ҳолда тақдим этиб бориш;

5.2.9. Техник шартлар ва санитария нормалари талаблари бузилганлиги аниқланган ҳолатда ваколатли давлат органининг тақдимномасини олгандан бошлаб бир ой муддатда бартараф этиш;

5.2.10. Ушбу битимнинг амал қилиш даврида муассаса фаолияти ихтисослашувини ўзгартирмаслик ва инвестиция объектини бут ҳолда сақланишини таъминлаш;

5.2.11. Ваколатли давлат органи билан қурилишнинг бориши устидан техник назорат қилишга шартнома тузиш;

5.2.12. Битимнинг амал қилиш муддати тугамасдан, Инвестиция объектини бегоналаштириш (олди-сотди, гаровга қўйиш, ҳада қилиш ва х.к.) бўйича шартнома тузмаслик, Ўзбекистон Республикасининг қонун ҳужжатларига мувофиқ хусусий шерик алмаштирилиши ҳолатлари бундан мустасно.

Ушбу мажбурият бажарилмаган тақдирда Инвестиция объектига нисбатан мазкур битим бекор қилинади ва Давлат шериги тасарруфига ўтказилади.

5.3. Давлат шериги қуйидаги ҳуқуқларга эга:

5.3.1. Хусусий шерикдан ҳар чоракда битим бўйича мажбуриятларни бажарилиши тўғрисида Мактабгача таълим ҳудудий бошқарув органлари орқали ахборот ва ҳисобот олиш;

5.3.2. Хусусий шерик томонидан Битим шартларига риоя этилиши, мажбуриятларнинг бажарилиши устидан мониторинг ўтказиш ва аниқланган камчиликларни ёки битим шартларидан четга чиқиш ҳолатларни бартараф этиш бўйича талабнома юбориш;

5.3.3. Хусусий шерик томонидан объект бўйича белгиланган мажбуриятларни бажармаслик оқибатида юзага келган зарарлар қопланишини талаб қилиш;

5.3.4. Битим шартлари Хусусий шерик томонидан бузилган тақдирда, аниқланган камчиликлар Давлат шериги томонидан кўрсатилган муддатда бартараф этилмаса, Хусусий шерикни 15 кун олдин огохлантирган ҳолда битимни бир томонлама бекор қилиш.

5.4. Давлат шериги қуйидаги мажбуриятларга эга:

5.4.1. Хусусий шерикка солиқ имтиёзлари ва қонун ҳужжатларида назарда тутилган бошқа преференциялардан фойдаланиш бўйича қўмаклашиш;

5.4.2. Барча ташки муҳандислик-коммуникация инфратузилмаси билан (электр энергия, газ, сув таъминоти, канализация, автомобиль йўллари ва ва ҳоказолар) таъминлашга кўмаклашиш;

5.4.3. **Хусусий шерикка** зарур ҳолларда мактабгача таълим соҳасида услубий ва консултив ёрдам бериш;

5.4.4. **Хусусий шерикнинг** молиявий-хўжалик фаолиятига аралашмаслик;

5.4.5. **Давлат шеригининг** айрим ҳуқуқ ва мажбуриятлари Мактабгача таълим вазирлигининг ёзма кўрсатмасигаасосан ҳудудий бошқарув органлари томонидан амалга оширилиши мумкин.

5.5. Ҳокимликлар қуйидаги ҳуқуқларга эга:

5.5.1. Битим бўйича мажбуриятларнинг белгиланган муддат ва ҳажмда бажарилиши юзасидан **Хусусий шерикдан** хар чорак якуни бўйича кейинги ойнинг бешинчи санасигача ахборот ва ҳисоботлар талаб қилиш;

5.5.2. Ушбу битимга асосан **Хусусий шерик** томонидан олинган имтиёзли кредит маблағларини мақсадли сарфланиши юзасидан мунтазам мониторинг ўтказиш;

5.5.3. **Хусусий шерик** томонидан битим мажбуриятлари бажарилмаган ёки лозим даражада бажарилмаган ҳолатлар аниқланганда Битимни муддатидан олдин бекор қилиш ҳақида **Давлат шеригини** хабардор қилиш;

5.6. Ҳокимлик қуйидаги мажбуриятларга эга:

5.6.1. **Хусусий шерикка**бино тақдим этиш тўғрисидаги қарорни Ер тузиш ва кўчмас мулк кадастри давлат корхонасининг туман(шаҳар) филиалига юбориш ҳамда **Давлат шеригини** хабардор қилиш;

5.6.2. **Хусусий шерикка** ер участкасига бўлган ҳуқуқни давлат рўйхатидан ўтказилганлиги тўғрисида гувоҳнома бериш;

5.6.3. **Хусусий шерик** томонидан ишлаб чиқилган лойиҳа-смета ҳужжатлари, иктисодий-техник асосларнинг бажарилиши ва қурилиш ишларининг белгиланган муддатларда, сифатли тугалланишини таъминлаш;

5.6.4. **Хусусий шерикнинг** инвестиция мажбуриятларини бажарилган ёки бажарилмаганлиги ҳақида хулоса бериш;

5.6.7. Ўзбекистон Республикаси Вазирлар Маҳкамасининг 2018 йил 25 июндаги “Мактабгача таълим соҳасида давлат-хусусий шерикчиликни ривожлантириш учун шароитлар яратиш тўғрисида”ги 475-сонли қарори талабидан келиб чиқиб, давлат-хусусий шерикчилиги асосида ташкил этилган нодавлат мактабгача таълим муассасаларини фаолиятини сифатли ва самарали ташкил этиш ҳамда **Хусусий шерик** томонидан битим шартларига риоя этилиши учун жавобгар ҳисобланади.

VI. ТОМОНЛАРНИНГ ЖАВОБГАРЛИГИ ВА НИЗОЛАРНИ ҲАЛ ҚИЛИШ ТАРТИБИ

6.1. Томонлар ушбу Битимга кўра зиммаларига олган мажбуриятларни бажармаслик ёки лозим даражада бажармаслик учун қонун ҳужжатларига ва мазкур Битим шартларига мувофиқ жавобгар бўлади.

6.2. **Хусусий шерик** томонидан инвестиция мажбуриятлари бажарилмаган тақдирда, **Хусусий шерик** ҳар бир кечиктирилган кун учун бажарилмаган инвестиция мажбуриятлари қийматининг 0,04 фоизи миқдорида, бироқ кечиктирилган инвестиция мажбуриятлари қийматининг 50 фоизидан ошмаган ҳолда **Давлат шеригига** пеня тўлайди. Бунда пеня ҳисоблаш учун навбатдаги оралиқ инвестиция даври календар йилининг якуни (йилнинг 31 декабри) ва (ёки) инвестиция мажбуриятларининг тўлиқ (якуний) бажарилган куни ҳисобланади.

6.3. Ушбу шарноманинг шартларини бажариш жараёнида юзага келадиган барча келишмовчиликлар Томонларнинг ўзаро музокаралар ўтказиш орқали ҳал этилади.

6.4. Томонлар келишувга эришмаган тақдирда вужудга келган низолар қонун ҳужжатларига мувофиқ Тошкент шаҳар иқтисодий судида ҳал қилинади.

VII. БИТИМГА ЎЗГАРТИРИШ, ҚЎШИМЧАЛАР КИРИТИШ ВА БЕКОР ҚИЛИШ ТАРТИБИ

7.1. Ушбу Битимга қонунчилик ҳужжатларида ва битимда белгиланган қуйидаги ҳолларда ўзгартириш ва қўшимчалар киритилиши мумкин:

7.1.1. Томонларнинг ўзаро келишувига кўра;

7.1.2. Мақтабгача таълимни тартибга солиш соҳасидаги давлат ва хусусий шерикларнинг битим муносабатлари қисмида қонун ҳужжатларига ўзгартиришлар киритилиши сабабли **Давлат шеригининг** талабига кўра;

7.1.3. Ушбу Битимга киритилган барча ўзгартиришлар қўшимча келишув тузиш йўли билан ёзма шаклда расмийлаштирилади ва ваколатли шахслар томонидан имзоланади.

7.2. Ушбу Битим қуйидаги ҳолларда бекор қилинади:

7.2.1. Томонларнинг ўзаро розилиги билан бошқа томонларни 15 кун олдин огоҳлантирган ҳолда;

7.2.2. **Хусусий шерик** томонидан ушбу Битим шартлари бир неча марта бузилган ҳолларда ва камчиликларни бартараф этиш, ўз фаолиятини қонун ҳужжатлари ва битимга мувофиқлаштириш тўғрисидаги **Давлат шеригининг** ёзма талаблари бажарилмаган тақдирда, 15 кун олдин огоҳлантирган ҳолда **Давлат шериги** томонидан битим бир томонлама бекор қилинади.

Бунда, объектга киритилган инвестициялар қисми **Давлат шериги** ва **Ҳокимлик** томонидан **Хусусий шерикка** қайтарилмайди ва компенсация қилинмайди.

7.2.3. **Хусусий шерик** банкрот бўлганда ва тугатилганда;

7.2.4. **Хусусий шерик** ёки **Ҳокимлик** ўз мажбуриятларини бажармаган тақдирда – **Давлат шеригининг** талабига кўра;

7.2.5. **Давлат шериги** ёки **Ҳокимлик** ўз мажбуриятларини бажармаган тақдирда – **Хусусий шерикнинг** талабига кўра;

Ушбу Битимнинг 7.2.3 ва 7.2.4-бандларида назардатутилган ҳолларда суд тартибида бекор қилинади.

VIII. БОШҚА ШАРТЛАР

8.1. Ўзининг жойлашган манзили ва реквизитларини ўзгартирган Томонлар бошқа Томонларни ўзгартиришлар киритилган санадан бошлаб 30 (ўттиз) кун ичида ёзма равишда хабардор қилишга мажбур.

8.2. Ушбу Битим уч асл нусхада имзоланди.

IX. ТОМОНЛАРНИНГ МАНЗИЛЛАРИ ВА РЕКВИЗИТЛАРИ

Ўзбекистон Республикаси
Мақтабгача таълим вазирлиги
х/р 2340 2000 3001 0000 1010
ХККМ Марказий банк Тошкент шаҳар Бош
бошкармаси
Банк коди 00014.
Молия вазирлиги газначилиги СТИР
201 122 919 Банк коди 00014.
Молия вазирлиги газначилиги
СТИР 201 122 919
ШХВ 400 110 860 262 877 950 100 251 002
Мақтабгача таълим вазирлиги



“Kids international academy”
нодавлат таълим муассасаси
Фарғона вилояти Богдоқ тумани
Иттифок МФЙ
х/р 20208000800842904001
АТБ “Универсалбанк”
Бувайда тумани филиали
МФО 01151.
СТИР 305 215 645



Фарғона вилояти ҳокимлиги
х/р 2340 2000 3001 0000 1010
ХККМ Марказий банк Тошкент шаҳар
Бош бошкармаси
Банк коди 00014. Молия вазирлиги
газначилиги СТИР 201 122 919 Банк
коди 00014. Молия вазирлиги
газначилиги
СТИР вил ҳокимият 200151400
ШХВ 400121860301017950100018001



Handwritten signature